

MIRALEM MALKIĆ, prof. fiz. kulture - Magistarski rad

Fakultet/Akademija	PRAVNI FAKULTET
Tip Rada	Magistarski rad
Kandidat, zvanje	MIRALEM MALKIĆ, prof. fiz. kulture
Naziv Teme	Pojavni oblici, uzroci i specifičnosti krivičnih djela protiv sigurnosti javnog prometa
Rezime/Abstract	Dinamičan razvoj prometa kao integralne i složene društvene djelatnosti, uticao je i na povećanje rizika, naručito u drumskom (cestovnom, putnom) prometu, u kojem na različite načine učestvuje praktički svaki čovjek. S druge strane, uočeni nedostaci su potaknuli opće svjetske aktivnosti na smanjenje negativnih pojava, koje imaju uticaja na sigurnost prometa. Ipak, ostaje porazna činjenica da od prve evidentirane saobraćajne nezgode sa poginulim osobama, koja se dogodila u Engleskoj (Glazgov, 1834.), a potom i druge koja se dogodila 62 godine kasnije (London, 1896.), trebalo je da prođe više od jednog vijeka da bi se napokon shvatila prijetnja ljudskih, materijalnih, vremenskih i drugih gubitaka za društvo. U cilju odgovora na predstojeće izazove, od posebnog značaja je spoznaja različitih oblika ugrožavanja u prometu, naručito onih najtežih, tretiranih u kontekstu krivičnih djela protiv sigurnosti javnog prometa, njihovih pojavnih oblika, uzroka i specifičnosti, odnosno, načina postupanja učinitelja unutar mehanizma izvršenja krivičnog djela, o čemu je u ovom radu detaljnije izlagano. Univerzalnost strukture prometne delinkvencije, ispoljene u ambijentu prostora, vremena, sredstava, načina izvršenja te socijalne i prirodne okoline, najbolje odslikava njegovu specifičnost. Zato je od presudnog značaja spoznaja osnovnih karakteristika prometne delinkvencije, ne samo kao normativne, već i društvene pojave, sa bitnim fenomenološkim i etiološkim odrednicama, što može imati uticaja i na unapređenje funkcionalnosti sistema krivičnopravne zaštite, kako u represivnom, tako i u preventivnom smislu. Naime, diferenciranjem sigurnosnih determinanti koje, u pravilu, nisu stalne, već promjenjive veličine, podložne određenoj zakonitosti i uzročnoj uvjetovanosti, omogućava se pravilno dijagnosticiranje strateškog djelovanja, uz standardizaciju postupanja u okviru glavnih uticajnih faktora sigurnosti u drumskom prometu, (čovjek, vozilo, put, okolina, organizacija), čime se stvaraju i uslovi za uvođenje jedinstvenih propisa i pravila ponašanja učesnika u prometu, metodologija upravljanja prometom, modifikovanih sigurnosno tehničkih rješenja za vozila te posebno postizanja strateških ciljeva. U radu je analizirana struktura krivičnih djela protiv sigurnosti javnog prometa i njihova zakonska normiranost u krivičnom zakonodavstvu u Bosni i Hercegovini, te posebno utvrđeni pojavnici oblici, uzroci i specifičnosti te vrste kriminaliteta, s akcentom na sigurnost učesnika u prometu i aktuelni trend i stanje domaće krivičnopravne prakse i njezine usklađenosti sa međunarodnim standardima u tom području. Ključne riječi: prometna delinkvencija, uzroci, pojavnici oblici i preventivne mјere.
Datum	03.04.2015
Predsjednik	Dr sc. Vedad Gurda, doc. – Uža naučna oblast Krivično – pravna Pravni fakultet Univerziteta u Tuzli
Mentor	Dr sc. Tadija Bubalović, vanr. prof. – Uža naučna oblast Krivično – pravna Pravni fakultet Univerziteta u Tuzli
Član komisije	Dr sc. Nezir Pivić, doc. – Uža naučna oblast Krivično pravna Pravni fakultet Univerziteta u Zenici
Član komisije	-
Član komisije	-
Zamjenski član	-
Dodatni detalji i lokacija	Dana, 03. 04. 2015. godine u 10,00 sati na Pravnom fakultetu Univerziteta u Tuzli
Zavrsne Odredbe	Pristup javnosti je sloboden. Rad se može pogledati u Sekretarijatu fakulteta radnim danom od 08 do 14 sati.